

NALUNAARUT!

Ukiumut aningaasarsiorfiusumut 2012-imut akileraarutininut akiliivallaarutaasimasunik tunniussinermi Akileraartarnermut Aqutsisoqarfiup pisortanut akiitsulinnut ilanngaanerit, unerartitsinerit aammalu arsaarinninnerit ingerlatissavai.

Akileraartarnermut Aqutsisoqarfiup ilisimatitsissutigissavaa, pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersoq, inatsisartut inatsisaatigut nr. 6-ikkut 15. april 2011-mi kingullermik allannguuteqarmat.

Akiitsunut ukununga ilanngaassisoqassaaq:

- Kalaallit Nunaannut akileraarutininut akitsuutinullu akileeqqusissutit taakkulu erniaannut sullissinermullu akiliutit ilanngullugit piumasaqaatit tamaasa.
- Ineqarnermut akiliutininut, qularnaveeqqusiissutitut uninngatitanut inissianullu attartortittakkanut Kalaallit Nunaanni Namminersorlutik Oqartussanit pigineqartunut iluarsartuussinermut akiligassanut piumasaqaatit tamaasa.
- Illuliornermut ikiorsiissutininut taarsigassarsiat inuussutissarsiutinullu tapersiisarfimmit taarsigassarsiat, Kalaallit Nunaanni Namminersorlutik Oqartussanit taarsigassarsiaritinneqarsimasunut piumasaqaatit tamaasa.
- Innaallagissamut, imermut kiassarnermullu Nukissiorfimmit akiligassatut piumasaqaatit.
- Ilinniagaqarnerisutit ilinniagaqarnerullu nalaani taarsigassarsianut piumasaqaatit.
- Kalaallit Nunaanni Namminersorlutik Oqartussanit imaluunniit Namminersorlutik Oqartussat suliffeqarfiutaasa arlaannit akiligassatut piumasaqaatit sugaluurtulluunniit.

Inangiineq, Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersoq, Inatsisartut inatsisaatigut nr. 4-kut 26. april 2007-imi allanngortinneqartukkut akiligassanik akiliisitsiniarneq ukununga tunngatillugu pissaaq:

- Kalaallit Nunaanni kommunit arlaata ikiorsiissutininut utertitassanut akiliutigigallarsimasaanut piumasaqaatit
- Kalaallit Nunaanni kommunit arlaata meeqqanut akilersuutininut siumoortumik akiliutigigallarsimasaanut piumasaqaatit
- Kalaallit Nunaanni kommunit arlaata inuussutissarsiornermut tapersiissutitut taarsigassarsiarititaanut piumasaqaatit
- Paaqqinnittarfinnut angerlarsimaffinnilu ulluunerani paaqqinnittarnermut, pujoorfinnik paaviaanermut eqqagassalerinermullu piumasaqaatit
- Meeqqanut annertusisamik akilersuutit, pilersuisussaatitaanermullu akilersuutit innuttaasunit piumasaqaatit.

Arsaarinninnerit, akiitsunut allanut tamanut tunngasut ingerlanneqassapput, Kalaallit Nunaanni Eqqartuussisarnermut inatsimmi immikkoortoq VIII, kapitali 47, § 598, imm. 2 aamma 3 naapertorlugit pinngitsaaliinikkut akilersinniarneqarsinnaapput, taakkulu makkuupput:

- Illuummik pigisanilluunniit qularnaveeqqusiilluni, pisortaniit taarsigassarsiat taakkuluunniit erniaannik piumasaqaatit
- Inissiigallarnermut, kiassarnermut, innaallagissamut, imermut, eqqagassalerinermullu akiligassat pisortat piumasaqaataat.

- Pisortanut akileraarutit akitsuutillu Kalaallit Nunaanni inatsit atuuttoq naapertorlugu akiligassat.
- Meeqqanut akilersuutit, Kalaallit Nunaanni inatsisit naapertorlugit akiligassatut piunasaqaatit
- Akilersuinissamut piunasaqaatit, danskit naalagaaffiannit aalajangersarneqarsimasut kiisalu akileraarutinut akitsuutinullu piunasaqaatit, danmarkimi akiliisitsiniutigineqarsinnaasut.
- Eqqartuussisarnermi inatsimmi § 627 naapertorlugu aningaasat taarsiiffiginnissutit.
- Taakku saniatigut pisassat Namminersorlutik Oqartussanut attuumassuteqartut, inatsisartut inatsisaat imaluunniit inatsisartut peqqussutaat naapertorlugit pinngitsaaliissummik akiliisitsiniutigineqarsinnaapput.

Kiisalu ilisimatitsissutigineqassaaq, eqqartuussivik akiliisitsissutinut il.il. arsaarinninnikkut matussusiinnaammat, eqqartuussivik akiliisitsiniartussaataatilluni.

Ilanngaassineq, inangiineq arsaarinninnerlu pissapput, akiliisitsiniarneq aningaasarsiatigut, akilersuinissamik isumaqatigiinnikkut pinngitsaaliissummilluunniit pigisanik tigoraaannarnik matussuserneqarnissaa isumaqatigiissutigineqareersimagaluarpalluunniit.

Akiitsullit, 2012-imi akileraarutitigut akiliivallaarutinik tunniussinnermut atatillugu ilanngaassinnermut, inangiinnermut arsaarinninnermulluunniit akerliusut, Akileraartarnermut Aqutsisoqarfimmi Akiliisitsiniartarnermut Oqartussaasup allaffianut saaffiginnissinnaapput una adressi atorlugu: www.aka.gl

Ukiumi aningaasarsiorfiusumi 2012-imi inaarutaasumik nalunaarutip akileraarnikippallaarsimasutit takutissappagu Akileraartarnermut Aqutsisoqarfiup 2014-imut siumoortumik nalunaarsuinnermut atatillugu 18.000 kr.-it tikillugit nalunaarsuutinut ilanngussinnaavai, Namminersornerullutik Oqartussat Nalunaarutaat nr. 2, 1. december 2006-imeersoq naapertorlugu. Tamanna 2012-imi inaarutaasumik nalunaarummi 2014-imilu akileraartarnermut allagartami takuneqarsinnaassapput. Akileraarnikippallaarutitit naatsorsuutinut ilanngunneqanngippata PBS aqqutigalugu septemperi, oktoberi novemberillu qaammataanni 2013-imi akileeqqusissutinik nassinneqassaatit.

Nuuk, august 2013:

*Namminersorlutik Oqartussat
Akileraartarnermut Aqutsisoqarfik, Akiliisitsiniartarnermut Oqartussat
Postboks 1605
3900 Nuuk*